



REPÚBLICA DEMOCRÁTICA DE TIMOR-LESTE
IV GOVERNO CONTITUCIONAL

KOMUNIKADU IMPRENSA

Díli, 15 Outubru, 2009

Deklarasaun

Husi

**Porta-vóz IV Governu Konstitusionál,
Sekretáriu Estadu Konsehu Ministrus**

Governu AMP elozia eleisaun sukus i kondena FRETILIN tanba interfere

Governu AMP ne'ebé lidera husi Sua Exelênsia Xanana Gusmão elozia nasaun ne'e tanba hatudu nia maturidade politika iha eleisaun sukus. Timor-Leste iha distritus 13 ho sukus 442.

Eleisaun ne'e refleto komprimentu di'ak iha rain ne'e ne'ebé nakonu ho paz i hatudu duni klima estabilidade aktual iha Timor-Leste.

Lei eleitoral ba eleisaun sukus nian, kontráriu ho eleisaun presidencial ho legislativo, bandu kandidatus atu representa partidus polítikus. **Kandidatu sira tenke independente** i fo fiar makas ba votante sira atu vota ba líder ida ne'ebé díak liu atu bele atende necessidades iha sira nia comunidade laran.

Iha 13 Outubru, FRETILIN halo deklarasaun ida ne'ebé anuncia katak “ *rezultadus husi eleisaun lideres komunitarius sabadu kotuk ba, reprezentantes FRETILIN hetan posisaun 56% i FRETILIN sei mos hetan tan 10% hamutuk ho partidu aliadu seluk. Iha Díli FRETILIN manan 60% ba lideransas sukus.*”

Agio Pereira, Porta-voz IV Governu Konstitusionál i Sekretáriu Estadu Konsehu Ministrus, haktuir katak “FRETILIN nia deklarasaun ba imprensa iha 13 Outubru, hatudu katak sira nia kompriensaun kona ba lejislasaun ne'e la dun los.”

‘Deklaraun ne'e hatudu interferênsia iha prosesu eleitoral ne'ebé hala'o ho espírito independente, i haktuir espírito independente ne'e iha eleisaun Sukos importante tebes hodi fó benefisiu ba ita nia comunidade sira.

‘Governu fo parabéns ba kandidatu sira ne'ebe Povu hili ona iha territóriu tomak tamba hatudu nafatin integridade i dignidade durante prosesu eleisaun. IV Governu Konstituisional envia ba oficial hotu-hotu votus susesu i kongratula votante sira ne'ebe hola parte iha momentu istoriko Nasionál ida ne'e. **ENDS**

Atu hetan tan informasoens favór kontakta Ágio Pereira liu husi telefone +670 723 0011 ka korreiru eletróniku agiopereira@cdm.gov.tl